

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 01-05-6-15-2/18

Datum: 15.01.2018. godine

OPĆINSKO VIJEĆE

Predmet: Mišljenje na vijećničku inicijativu, dostavlja se.-

Na 14. sjednici Općinskog vijeća Tešanj koja je održana 28.12.2017.godine **vijećnik Solo Fahir** je pokrenuo Inicijativu za kupovinu parcele koja bi građanima Drinčića služila kao poligon za sportske aktivnosti.


Na postavljenu vijećničku inicijativu dajemo slijedeće mišljenje:

Navedeni projekat se može tretirati kao kapitalni projekat mjesne zajednice, naročito ako se uzme u obzir da je naseljeno mjesto Drinčići sastavni dio MZ Bobare-Drinčići-Blaževci.

Stoga, budući da u sastavu organa MZ Bobare-Drinčići-Blaževci imaju i članovi imenovani ispred A-SDA, predlažemo da se ova Inicijativa razmotri putem Organa mjesne zajednice, te ukoliko se usaglasi, da se predloži kao mogući prijedlog za kapitalnu investiciju.

Dostavljeno:

1. Naslov
2. Arhiva



**OPĆINSKI NAČELNIK
Mr.sci. Suad Huskić**



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-05-6-20/198

Datum: 09.01.2018. godine

**OPĆINSKO VIJEĆE
O V D J E**

PREDMET: Mišljenje na vijećničku inicijativu, d o s t a v l j a s e , -

Na 14. sjednici Općinskog vijeća Tešanj koja je održana 28.12.2017.godine vijećnik Deljić Nermin je postavio inicijativu za usvajanje sljedeće preporuke:

- 1.1. Preporučuje se Načelniku Općine Tešanj da putem svojih saradnika i službi odmah preduzme mjere da JKP „RAD“ Tešanj u okviru svoje redovne djelatnosti preduzme sve potrebne mjere za održavanje i opravku pasivnih i aktivnih mezarluka – grobalja, spomenika i spomen kosturnica i prateće infrastrukture na području općine Tešanj.
- 1.2. Preporučuje se Načelniku Općine Tešanj da putem svojih saradnika i službi odmah intenzivira rad građevinske i komunalne inspekcije Općine Tešanj na izvršavanju njihovih zakonom propisanih obaveza, a s ciljem osiguranja provođenja mjera komunalne higijene u neposrednoj blizini pasivnih i aktivnih mezarluka – grobalja, spomenika i spomen kosturnica i prateće infrastrukture na području općine Tešanj.
- 1.3. Preporučuje se Načelniku Općine Tešanj da, u okviru svojih nadležnosti, preduzme mjere da se u Budžetu Općine Tešanj za nerednu i sve sljedeće godine osiguraju namjenska sredstva za održavanje i opravku pasivnih mezarluka – grobalja, spomenika i spomen kosturnica na području općine Tešanj.
- 1.4. Preporučuje se Načelniku Općine Tešanj da, u okviru svojih nadležnosti, preduzme mjere putem nadležne službe inicira direktore škola na području općine Tešanj da u nastavnim i vannastavnim aktivnostima učenika planiraju i provode odgovarajuće programe primjerene pojedinim značajnim događajima i praznicima

MIŠLJENJE

1.1. Održavanje grobalja-mezarja na području općine Tešanj regulisano je Općinskom odlukom o upravljanju i održavanju grobalja-mezarja na području općine Tešanj (“Službeni glasnik Općine Tešanj”, broj:1/14, 10/15). U skladu s odredbama ove Odluke održavanje i upravljanje mezarjima i grobljima u nadležnosti je vjerskih zajednica kojima mezarja i groblja pripadaju. Grobovi i grobnice na području općine Tešanj koji su proglašeni spomenicima kulture, kao i oni u kojima su pokopane povijesne osobe prema sudu nadležnih institucija, ne smatraju se napuštenim grobnim mjestima, o njima se brine Općina Tešanj. Održavanje ovakvih spomenika Općina Tešanj provodi kroz Program komunalne higijene koji se zaključuje sa JP “RAD” dd Tešanj.


1.2. Inspekcije provode i provodi će mjere komunalne higijene u neposrednoj blizini aktivnih i pasivnih mezarluka-grobalja, spomenika, spomen kosturnica i prateće infrastrukture u skladu sa članom 104. stav 3. i članom 116. stav 2. tačka 16. Odluke o komunalnom redu i sanitarnom minimumu općine Tešanj (“Službeni glasnik općine Tešanj”, broj: 03/10 i 10/11).

1.3. U okviru budžeta Općine planiraju se sredstva na stavci „Održavanje autobuskih stajališta, dječijih igrališta, oglasnih tabli, zaštitnih ograda i spomen obilježja“. Ona za 2018. godinu iznose 33.000 KM. Jednim dijelom, iz ove stavke se vrši održavanje spomen obilježja uključujući i Partizansko groblje u Tešnju. Druga budžetska stavka koja se koristi i za održavanje javnih površina je Komunalno uređenje (komunalna higijena, uređenje javnih površina, ukrašavanje javnih objekata, parkova i ulica, i dr.).


1.4. Godišnjim planom rada osnovnih i srednjih škola, planiran je i Program obilježavanje značajnih datuma, za svaku školsku godinu; na koji mišljenje daje Nastavničko vijeće i Školski odbor, a saglasnost daje Pedagoški zavod. Za bilo kakvu izmjenu Godišnjeg plana rada neophodna je saglasnost Pedagoškog zavoda i nadležnog Ministarstva.


OBRADIVAČ

Služba za finansije, privredu i inspekcije


Hamzaliya Hojkurić, dipl.oec.

OPĆINSKI NAČELNIK


Mr. sci. Suad Huskić



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK

Broj: 02-05-6-19/18

Datum: 15.01.2018. godine

OPĆINSKO VIJEĆE
O V D J E

PREDMET: Odgovor na vijećničko pitanje, d o s t a v l j a s e, -

Na 14.sjednici Općinskog vijeća Tešanj koja je održana 28.12.2017.godine vijećnik Deljković Nermin je postavio sljedeća vijećnička pitanja:

Zašto se pojedini korisnici usluga JP RAD Tešanj ne tretiraju jednako.

Preporučujem menadžmentu JP RAD Tešanj da ispita ovu pojavu i uputi jasno uputstvo, svojim radnicima, prilikom odvoza smeća ispred domaćinstava.


ODGOVOR

U cilju prikupljanja potrebnih informacija, nadležna Služba je zatražila odgovor i pojašnjenje komunalnog preduzeća u vezi uočenih pojava.

U prilogu dostavljamo odgovor JP "RAD" dd Tešanj.

OBRADIVAČ

Služba za finansije, privredu i inspekcije


Hamzaliya Hojkurić, dipl.oec.



OPĆINSKI NAČELNIK


Mr. sci. Suad Huskić

JAVNO PREDUZEĆE

« RAD »

d. d. TEŠANJ

ISO 9001

BUREAU VERITAS
Certification



Trg žrtava 3. avgusta br 2, Tešanj
Tel./fax: 032/650-566; 650-428
Direktor: 032/650-471

račun: 1990460003075676 Sparkasse banka
račun: 3385502203283017 Uni Credit banka
račun: 1603000030014004 Vakufska banka
račun: 1414155320002012 BBI banka

ID broj: 4218317600003
PDV broj: 218317600003
www.rad-tesanj.ba
e-mail: kprad@bih.net.ba

Broj : 253 / 18
Dana : 15. 01. 2018. godine.

Općina Tešanj
Služba za finansije, privredu, komunalne i inspeksijske poslove

Predmet : Odgovor na Vijećničko pitanje (Vaš broj 01-05-6-19 od 03.01.2018. godine)

Vijećnik Nermin Deljković postavio je vijećničko pitanje/preporuku:
"Zašto se pojedini korisnici JP RAD Tešanj ne tretiraju jednako. Preporučujem menadžmentu JP RAD Tešanj da ispita ovu pojavu i uputi jasno uputstvo, svojim radnicima, prilikom odvoza smeća ispred domaćinstava"

U obrazloženju se navode saznanja da pojedini korisnici iznose posudu za otpad i po 100 m do saobraćajnice.

ODGOVOR:

Obaveze korisnika usluge prikupljanja otpada i Komunalnog preduzeća kao operatera definisane su općinskom Odlukom o komunalnom redu i sanitarnom minimumu.



Obaveza korisnika usluga je da posudu sa otpadom, u dane odvoza otpada, iznese pored saobraćajnice kojom prolazi kamion za prevoz otpada. Izuzetak od pravila, ne sa namjerom da se učini razlika među korisnicima, učinjen je u urbanim zonama Tešnja i Jelaha kako bi se ometanje saobraćaja usljed zaustavljanja kamiona svelo na minimum. Izuzetak u navedenim urbanim sredinama je taj da radnici komunalnog preduzeća iznose posude za otpad.

Na području općine postoje domaćinstva kojima je, zbog topografije terena i udaljenosti od saobraćajnica kojima saobraćaju kamioni za prevoz otpada, nemoguće prići bilo kakvim motornim vozilom. Jednak tretman korisnika Komunalno preduzeće je osiguralo kroz jednaku cijenu usluge bez obzira na udaljenost korisnika od općinske deponije.

Prilikom potpisivanja Ugovora o pružanju usluge prikupljanja otpada svaki pojedinačni slučaj se razmatra. Budući korisnik se upozori na obavezu iznošenja kante do saobraćajnice kojom saobraća kamion za prikupljanje otpada, a navedenim Ugovorom preuzima obavezu iznošenja kante za otpad na udaljenost do 4 m od saobraćajnice.

Komunalno preduzeće planira nabavku manjeg specijalnog kamiona za prikupljanje otpada kako bi proširilo mrežu saobraćajnica na kojima saobraća vozilima za prikupljanje otpada i uslugu učinilo dostupnijom svim građanima.


S poštovanjem,



Adnan Lahić, dipl.ing.maš.

15 Jan. 2018 13:43 P 1

FAX NO.: 0326550428

FROM: JP RAD DD TEŠANJ



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-05-6-18-3/18
Datum: 19.01.2018. godine

**OPĆINSKO VIJEĆE
O V D J E**

PREDMET: Odgovor na vijećničko pitanje, d o s t a v l j a s e , -

Na 14.sjednici Općinskog vijeća Tešanj koja je održana 28.12.2017.godine vijećnik Deljković Nermin je postavio sljedeća vijećnička pitanja:

„Da li je istina da i nakon izrade pješčanog filtera na bunaru, sa kojeg se vodom snabdijevaju MZ Kalošević, Mrkotić, Bobare-Drinčići Blaževci, voda nije za piće?“

ODGOVOR:

Dana 30.11.2017. godine izvršena je prva faza sanacionih radova na izvorištu vode "Šešinke" iz kojeg se vodom snabdijevaju vodovodni sistemi Kalošević, Bobare-Drinčići-Blaževci te djelimično vodovodni sistem Mrkotić. Vodovodnim sistemom Mrkotić upravlja Savjet MZ Mrkotić, vodovodnim sistemom Kalošević upravlja Savjet MZ Kalošević dok vodovodnim sistemom Bobare-Drinčići-Blaževci upravlja Savjet MZ Bobare-Drinčići-Blaževci putem dvije komisije (Komisija za Bobare i Komisija za Drinčice). Uslijed pretjerane eksploatacije vode te uslijed poplava iz proteklog perioda došlo je do oštećenja navedenog vodnog objekta. Upravitelji vodovoda su angažovali stručna lica iz J.P. "Rad" d.d. Tešanj koja su dala preporuke vezane za sanaciju bunara. Finansijsku podršku za provođenje ovih aktivnosti pružila je Općina Tešanj u iznosu 4.800 KM. Izvršena je zamjena pješčanog filtera - oko 300 m³ materijala razne granulacije. Pored zamjene filtera proveden je niz sanitarno tehničkih mjera i radnji koje za cilj imaju sanaciju postojećeg vodnog objekta u cilju osiguranja dovoljnih količina vode za ova tri vodovoda.

Po zamjeni filtera izvršena je analiza zdravstvene ispravnosti vode u sva tri sistema i utvrđeno je da voda ne zadovoljava uslove Pravilnika o zdravstvenoj ispravnosti vode za piće. Stanovništvo je upoznato da voda sa vodovodnih sistema Kalošević, Bobare-Drinčići-Blaževci i Mrkotić nije za piće. Upravitelji vodovoda nakon provedenih analiza redovno informišu korisnike putem oglasnih ploča o zdravstvenoj ispravnosti i kvalitetu vode.

Trenutno se radi na istraživanjima potencijalnih izvorišta na vodovodnom sistemu Mrkotić, potpisivanje ugovora sa korisnicima, a u prošloj godini uloženo je 40.000 KM u rekonstrukciju izvorišta Šatović, nabavku novih pumpi i sanaciju bazena. Na vodovodnom sistemu Bobare-Drinčići-Blaževci planirana je nabavka hlorinatora za mjesec februar 2018 godine i istraživanje potencijalnog izvorišta, i upravitelj lokalnog vodovodnog sistema Kalošević izvršio je istražne radove na potencijalnim izvorištima.

OBRADIVAČ

**Služba za finansije, privredu, komunalne i
inspeksijske poslove**

Hamzalića Hojkurić, dipl.ecc.

OPĆINSKI NAČELNIK

Mr. sci. Suad Huskić



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 01-05-6-14-3/18
Datum: 12.01.2018.godine

OPĆINSKO VIJEĆE TEŠANJ

PREDMET: Odgovor na vijećničko pitanje, dostavlja se

Na 14.sjednici Općinskog vijeća Tešanj koja je održana 28.12.2017.godine vijećnik Mahmutović Edin je postavio sljedeće vijećničko pitanje:


„Zašto se za taxi vozila ne otvori uređeni parking prostor ispred Doma kulture Tešanj?“

ODGOVOR:

Obzirom da je u toku izmjena Urbanističkog projekta “Tešanj-Centar” Tešanj ("Službeni glasnik općine Tešanj", broj: 2/12) u čijem obuhvatu se nalazi parking prostor ispred Doma kulture Tešanj, njegov status će biti riješen usvajanjem izmjene i dopune urbanističkog projekta od strane Općinskog vijeća Tešanj. Općinskom vijeću će biti prezentirana sva pitanja u vezi sa materijom.


DOSTAVLJENO:

1. Naslovu,
2. a/a



OPĆINSKI NAČELNIK

Mr. sci. SUAD Huskić



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj:01-05-6-13-3/18

Datum: 10.01.2018.godine

OPĆINSKO VIJEĆE

PREDMET: Odgovor na vijećničko pitanje, dostavlja se,-

Na 14.sjednici Općinskog vijeća Tešanj koja je održana 28.12.2017.godine vijećnik Solo Fahir je postavio sljedeće vijećničko pitanje:

„Da li je određen rok za početak radova na izgradnji ambulante u MZ Piljužići i kada se planira završetak radova i stavljanje objekta ambulante u funkciju?“


Odgovor:

Realizacija projekta “Izgradnja ambulante u MZ Piljužići” je u fazi pribavljanja potrebne dokumentacije za izgradnju, urbanističke saglasnosti i odobrenja za građenje.

U nastavku aktivnosti su pripreme za provedbu postupka Javne nabavke za I fazu izgradnje ambulante.


Dostavljeno:

1. Naslov
2. Arhiva



OPĆINSKI NAČELNIK

Mr.Sci. Suad Huskić



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-05-6-16-2/18

Datum: 05.01.2018. godine

**OPĆINSKO VIJEĆE TEŠANJ
- Ovdje**

Predmet: Odgovor na vijećničko pitanje, d o s t a v l j a s e.-

Na 14. sjednici Općinskog vijeća Tešanj održanoj 28.12.2017. godine vijećnik Elvir Pilav je postavio sljedeće pitanje:

“Da li su povjerenici Civilne zaštite Tešanj, koji su imenovani u mjesnim zajednicama, dobili uputu CZ Tešanj da izađu na teren i evidentiraju i prijave nastalu štetu u svojim MZ, i da li su izvještaj poslali općinskoj službi CZ?”

Na postavljeno vijećničko pitanje dajemo sljedeći odgovor:

Povjerenici civilne zaštite čine organizovanu strukturu civilne zaštite i njihova nadležnost, poslovi i zadaci su utvrđeni u Pravilniku o načinu rada i funkcioniranja štabova i povjerenika civilne zaštite („Sl.novine F BiH“, broj:77/06 , 5/07 i 32/14). Nadležnost angažovanja povjerenika u fazi spašavanja i otklanjanja posljedica isključivo ima Općinski štab civilne zaštite, koji rukovodi akcijama zaštite i spašavanja, nakon što nadležni organ (Općinski načelnik) proglasi stanje prirodne nesreće.

Obzirom da u dane 11/12.12.2017. godine nije proglašeno stanje prirodne nesreće usljed jakog vjetra, nije bilo neophodno angažovanje Općinskog štaba civilne zaštite koji bi rukovodio određenim akcijama zaštite i spašavanja, te samim tim nije vršeno angažovanje povjerenika civilne zaštite, obzirom da su materijalne štete izazvane vjetrom bile selektivnog karaktera. U ovom slučaju građani putem mjesnih zajednica ili lično vrše prijavu nastalih šteta. U bilo kojem slučaju proglašenja stanja prirodne nesreće prijave se vrše na propisanim obrascima kod nadležne općinske komisije za štete, koja na terenu vrši identifikaciju, verifikaciju i procjenu štete. Povjerenici civilne zaštite ne rade evidentiranje niti procjenu štete.

Konkretno, nakon nevremena uzrokovanog jakim vjetrom, služba je zaprimala prijave određene štete na stambenim objektima, putnoj i drugoj infrastrukturi i poljoprivredi (prvenstveno platenici). Veliki dio nastalih šteta je saniran kroz direktnu intervenciju općinskih službi i ugovorenih izvođača, za jedan dio velikih šteta Općinski načelnik je intervenisao sredstvima budžetske rezerve. U poljoprivredi je izvršen obilazak terena po prijavama i evidentirana nastala šteta. Do trenutka pripreme odgovora na vijećničko pitanje vršena je komunikacija i usaglašavanje sa Kantonalnom upravom civilne zaštite na obezbjeđenju sredstava za podršku poljoprivrednicima.

Dostaviti:

1. Naslovu i
2. a/a.



OPĆINSKI NAČELNIK

Mr. sc. Suad Huskić